




# SLUŽBENI GLASNIK OPĆINE KONJIC

**Broj: 3**

**Konjic, 04.04.2022.**



## SADRŽAJ

### I - AKTI OPĆINSKOG VIJEĆA

1. Zaključak Općinskog vijeća Konjic 2000

### II -AKTI OPĆINSKOG NAČELNIKA

1. Pravilnik o utvrđivanju i raspodjeli novčanih sredstava iz Budžeta Općine Konjic za finansiranje projekata i programa NVO i Institucija nauke i kulture
2. Pravilnik o utrošku novčanih sredstava za novčane podrške za 2022 godinu sa ekonomskog koda 614-122- transfer za sport

2000

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO-NERETVANSKI KANTON  
OPĆINA KONJIC  
OPĆINSKO VIJEĆE

Broj: 03-02-2-1300/22  
Konjic, 01 04.2022. godine

U skladu sa članom 102. Poslovnika o radu Općinskog vijeća Konjic („Službeni glasnik općine Konjic“ broj: 1/05 i 05/10) i člana 16. Statuta Općine Konjic („Službeni glasnik općine Konjic“ broj: 4/11, 6/11 i 3/20) Općinsko vijeće Konjic na sjednici održanoj dana 31.03.2022., d o n o s i:

### **ZAKLJUČAK:**

#### **I**

1. Zadužuje se Kolegij Općinskog vijeća Konjic da nakon što uzmu u obzir sve diskusije sa tematske sjednice, sačini prijedlog zaključaka i proslijedi ih Općinskom vijeću Konjic na usvajanje.
2. Zadužuje se Uprava i Nadzorni odbor Šumarstvo „Prenj“ d.d. Konjic da u roku do 30 dana dostave prijedlog zaključaka Općinskom vijeću Konjic.

#### **II**

Zaključak stupa na snagu danom objavljivanja u "Službenom glasniku Općine Konjic" i ima se objaviti na Oglasnoj tabli Općine Konjic.

Predsjednik Općinskog Vijeća  
Kenan Greda, s.r

Broj: 08-34-2-183/22  
Konjic, 24.01.2022.godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 38. Statuta Općine Konjic ("Službeni glasnik", broj 4/11,6/11), Programa o utrošku novčanih sredstava broj: 08-11-6-182/22 od 24.01.2022.godine, Odluke o izvršavanju Budžeta Općine Konjic za 2022. godinu ("Službeni glasnik Općine Konjic" broj 13/21), na prijedlog Službe za privredu, finansije i društvene djelatnosti, Načelnik općine donosi:

## **PRAVILNIK**

### **o utvrđivanju i raspodjeli novčanih sredstava iz Budžeta Općine Konjic za finansiranje projekata i programa NVO i Institucija nauke i kulture**

#### **I – OPĆE ODREDBE**

##### **Član 1.**

(1) Ovim Pravilnikom utvrđuju se sadržaj i postupak provođenja Javnog poziva (uslovi, kriteriji, način odabira, postupak raspodjele sredstava i praćenje realizacije projekata i programa nevladinih organizacija), Organizacija civilnog društva, projekata za mlade, te raspodjele sredstava institucija nauke i kulture, koji će se finansirati ili sufinansirati iz Budžeta Općine Konjic, putem Javnog poziva i neposredno, na osnovu zahtjeva.

(2) Sredstva su utvrđena u Budžetu Općine Konjic na ekonomskim kodovima:

- a) 614 311 – Program podrške za NVO projekti u oblasti kulture, obrazovanja, očuvanja tradicije, umjetnosti i turizma, zaštite okoliša;
- b) 614 311 – Program podrške u oblasti -projekti za mlade;
- c) 614 311 - Program podrške za projekte iz oblasti nauke, kulture i obrazovanja i izdavaštva.

(3) Sredstva iz člana 1. stav 2. dodjeljuju se za:

- a) Putem Javnog poziva:  
Sredstva iz člana 1. stav 2. tačka (a) dodjeljuju se za projekte i programe nevladinih organizacija iz oblasti kulture, umjetnosti, očuvanja tradicije, turizma i zaštite okoliša;  
Sredstva iz člana 1. stav 2. tačka b) dodjeljuju se za projekte i programe za mlade;
- b) Sredstva iz člana 1. stav 2.tačka c) dodjeljuju se o institucijama od značaja za BiH i ustanovama iz oblasti kulture sa područja općine Konjic putem javnog poziva, te organizacijama i pojedincima iz oblasti nauke, kulture, obrazovanja i izdavaštva neposredno putem zahtjeva za odobrenje sredstava iz budžeta Općine Konjic.

##### **Član 2.**

Aplikanti iz člana 1. ovog Pravilnika moraju zadovoljiti sljedeće opće uslove:

- da su osnovani i registrovani u Bosni i Hercegovini;
- da su vođeni od strane državljana Bosne i Hercegovine;
- da imaju sjedište na području Općine Konjic;
- da su projekti i programi, u potpunosti ili djelimično namijenjeni građanima Općine Konjic, osim ako ovim Pravilnikom nije drugačije određeno;
- da su projekti ili programi usmjereni na realizaciju ciljeva iz Integralne strategije razvoja Općine

- Konjic 2018-2027;
- da se projekti i programi realizuju za period budžetske godine (od 01.01. do 31.12.);
  - da ne obavljaju aktivnosti u ime političkih partija.

## **II – JAVNI POZIV**

### **Član 3.**

(1) Sredstva za projekte nevladinih/neprofitnih organizacija i projekata za mlade sa područja Općine Konjic te Institucije nauke i kulture dodjeljuju se na osnovu Javnog poziva koji objavljuje Načelnik Općine Konjic..

(2) Javni poziv sadrži:

- naziv organa koji raspisuje javni poziv;
- subjekte koji se mogu prijaviti na javni poziv;
- rokove za dostavljanje dokumentacije;
- dostupnost obrazaca;
- način ispunjavanja obrasca,
- prioritetne oblasti za koje se javni poziv odnosi;
- broj projekata koje udruženje može kandidovati;
- period realizacije projekta;
- naziv tijela za ocjenjivanje projektnih prijedloga;
- tokove i načine objavljivanja rezultata provedenog javnog poziva.

## **III – POSTUPAK JAVNOG POZIVA**

### **Član 4.**

Javni poziv se objavljuje na web stranici Općine Konjic, oglasnoj tabli i putem RTV Konjic;

Javni poziv ostaje otvoren 15 dana od dana objavljivanja na web stranici Općine Konjic. Obrasci sa uputstvima za prijavu projekata postavljaju se na web stranici Općine Konjic.

### **Član 5.**

Aplikanti dostavljaju aplikacijski obrazac u zatvorenoj koverti, putem protokola Općine Konjic ili preporučeno putem pošte i isključivo na prijavnom obrascu koji odredi nadležna služba.

Potpisan i ovjeren obrazac prijave treba sadržavati:

- podatke o aplikantu (naziv, status podnosioca, adresa/sjedište, telefon, e-mail, ID broj, broj žiro-računa, ime i prezime odgovorne osobe),
- podatke o projektu,
- pregled budžeta i racionalnost troškova,
- način praćenja projekta (vrednovanje).
- Kompletan projekat, sa svim prethodno navedenim referencama, treba biti snimljen na CD, koji se dostavlja uz ostalu dokumentaciju;

### **Član 6.**

Aplikanti koji se prijavljuju na Javni poziv, osim popunjenog aplikacijskog obrasca koji mora biti potpisan i ovjeren od strane odgovorne osobe, dužni su dostaviti sljedeću dokumentaciju

a.) Rješenje o registraciji aplikanta( udruženja /fondacije) i partnera ako postoji (original ili ovjerena



kopija);

b.) Uvjerenje o poreznoj registraciji- ID; (original ili ovjerena kopija)

c.) Ovjerena kopija lične karte ovlaštene osobe;

d.) Opisni izvještaj o realiziranim projektima za prethodnu godinu za ranije osnovane organizacije;

e.) Završni godišnji finansijski izvještaj za prethodnu godinu (bilans stanja i bilans uspjeha-ovjerena kopija) osim ako je udruženje registrovano u godini objavljivanja javnog poziva;

g.) Podaci o osobama koja realizuju projekat (kraći CV sa dokazima),

#### **Član 7.**

(1) Sljedeći projekti se neće finansirati:

- projekti udruženja koja nisu izvršila svoje obaveze po ranije odobrenim projektima finansiranim iz Budžeta Općine Konjic;
- projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme, osim ako je oprema neophodna za uspješnu implementaciju projekta;
- projekti kojima je predviđen dio administrativnih i materijalnih troškova (električna energija, voda, telefon, kancelarijski materijal i sl.);
- projekti koji su usmjereni prema političkim aktivnostima;
- projekti koji su namijenjeni za isključivu dobit pojedinca;
- projekti koji se zasnivaju na dodjeljivanju sredstava trećoj strani;

#### **Član 8.**

(1) Sredstva dodijeljena iz Budžeta Općine Konjic za projekte, ne mogu se koristiti za finansiranje sljedećih troškova:

- zakup kancelarijskog prostora, osim ako ovim Pravilnikom nije drugačije određeno;
- naknade za rad predsjednika, podpredsjednika i sekretara, osim ako ovim Pravilnikom nije drugačije određeno;
- naknade za rad upravnog odbora ili drugih radnih tijela organizacije;
- troškove reprezentacije predsjednika i drugih lica iz upravljačke strukture udruženja, fondacije i ustanove.

(2) Projektni prijedlozi s nepotpunom dokumentacijom i dostavljeni izvan predviđenog roka neće biti razmatrani niti finansirani.

#### **Član 9.**

(1) Sredstva iz budžeta Općine Konjic mogu se dodijeliti za realizaciju projekata iz sljedećih oblasti

- Projekti za mlade,
- Nauka, obrazovanje, kultura i očuvanje tradicije ,
- Zaštita životne sredine (okoliša), razvoj turizma.

### **IV – PRIJAVLJIVANJE NA JAVNI POZIV**

#### **Član 10.**

(1) Organizacije/Institucije iz tačke 1. Pravilnika, prijavljuju se na javni poziv isključivo na jednu od prioritetnih oblasti koje su definisane članom 1. stav (2) i stav (3) Pravilnika, u zavisnosti od toga koja im je oblast djelovanja primarna po statutu, a što će se od strane Komisije za provođenje postupka i odabir

projekata i programa nevladinih organizacija precizirati i Javnim pozivom.

#### **Član 11.**

(2) Jedna organizacija može aplicirati sa jednim aplikacijskim obrascem (projektnim prijedlogom) za kalendarsku godinu, kojim može obuhvatiti sve ili više svojih aktivnosti koje provodi u toku kalendarske godine.

### **V – KOMISIJA, KRITERIJI I NAČIN OCJENJIVANJA PROJEKTA**

#### **Član 12.**

(1) Odabir projekata za finansiranje sredstvima Budžeta općine Konjic vrši Komisija za provođenje postupka i odabir projekata i programa nevladinih organizacija koju rješenjem imenuje Načelnik općine(u daljem tekstu Komisija).

(2) Komisiju čine predsjednik i tri člana.

(3) Članovi Komisije se imenuju iz reda uposlenika Općine Konjic, od čega su najmanje dva člana iz reda državnih službenika Općine Konjic, od čega najmanje jedan član poznaje rad nevladinog sektora. Niti jedan član Komisije ne može biti u sukobu interesa. Izjavu o nepostojanju sukoba interesa, nepristrasnosti i povjerljivosti potpisuju svi članovi Komisije.

(4) Stručne i administrativno-tehničke poslove za potrebe Komisije obavljat će Služba za privredu, finansije i društvene djelatnosti.

(5) Ukoliko je neophodno, Komisija može angažirati stručna lica iz oblasti za koje se projekte traže sredstva. Stručna lica imaju savjetodavnu ulogu, bez prava odlučivanja. Angažman stručnog lica Komisija će konstatovati u zapisniku.

#### **Član 13.**

Komisija za provođenje postupka i odabir projekata i programa nevladinih organizacija će nakon provjere da li projekti zadovoljavaju administrativno-tehničke uslove iz članova 7, 8 i 9. ovog Pravilnika, ocijeniti projekte na način propisan u članovima 14. i 15. ovog Pravilnika.

#### **Član 14.**

(1) Komisija vrednuje prijedloge projekata/programa aplikata na Javni poziv prema kriterijima s pripadajućim brojem bodova:

- a) ciljevi koji se žele postići realizacijom projekta ili programa,
- b) ciljna grupa,
- c) aktivnosti koje se poduzimaju u svrhu realizacije ciljeva,
- d) opis prethodne manifestacije ili događaja i očekivani rezultati,
- e) trajanje i masovnost manifestacije ili događaja,
- f) stručni kapaciteti nosioca projekta i drugih učesnika,
- g) vidljivost i promocija projekta,
- h) budžet i racionalnost troškova,
- i) značaj manifestacije ili događaja za lokalnu zajednicu.

#### **Član 15.**

(1) Svaki član Komisije dodjeljuje bodove od 1 do 5 za svaki od kriterija iz člana 14. ovog Pravilnika pojedinačno na sljedeći način: 1 (veoma loše), 2 (loše), 3 (odgovarajuće), 4 (dobro), 5 (veoma dobro).

Konačan broj bodova za svaki od kriterija predstavlja prosječan broj bodova navedenog kriterija svih članova Komisije.

(2) Minimalan broj bodova po kriterijima iz člana 14. ovog Pravilnika je 9, a maksimalan broj bodova je 45. Projekti koji dobiju 15 i više bodova bit će financirani, odnosno sufinansirani iz Budžeta Općine Konjic, s obzirom da projekti sa nižim brojem bodova od 15 ne zadovoljavaju postavljene standarde i neće biti financirani, odnosno sufinansirani.

(NAPOMENA: SVI KRITERIJI SE OCJENJUJU, SABIRAJU I DIJELE SA BROJEM ČLANOVA KOMISIJE KAO ELIMINATORNI FAKTOR, ISPOD 15 BODOVA PROJEKT SE ODBACUJE. UKUPAN BROJ BODOVA JE SMJERNICA ZA ODOBRAVANJE SREDSTAVA PREMA IZRAČUNU NA OSNOVU BROJA BODOVA VEZANIH ZA KRITERIJ "BUDŽET I RACIONALNOST TROŠKOVA")

(3) Na osnovu broja bodova vezanih za kriteriji „budžet i racionalnost troškova“ iz člana 14., i to:

- 1 - 1,4.....dodjeljuje se 20% traženog iznosa sredstava
- 1,50 - 1,99.....dodjeljuje se 30% traženog iznosa sredstava
- 2 - 2,49.....dodjeljuje se 40% traženog iznosa sredstava
- 2,50 - 2,90.....dodjeljuje se 50% traženog iznosa sredstava
- 3 - 3,40.....dodjeljuje se 60% traženog iznosa sredstava
- 3,50 - 3,99.....dodjeljuje se 70% traženog iznosa sredstava
- 4 - 4,49.....dodjeljuje se 80% traženog iznosa sredstava
- 4,50 - 4,99.....dodjeljuje se 90% traženog iznosa sredstava
- 5.....dodjeljuje se 100% traženog iznosa sredstava

(NAPOMENA: BODOVI KOJIMA SE OCJENJUJE KRITERIJ "BUDŽET I RACIONALNOST" OCJENJUJE SE OD JEDAN DO PET, OCJENE SE SABIRAJU I DIJELE SA BROJEM ČLANOVA KOMISIJE, NA OSNOVI KOJIH SE ODREĐUJE IZNOS SREDSTAVA OD SREDSTAVA, UKUPNO TRAŽENIH BUDŽETOM, A PREMA UKUPNOM BROJU BODOVA IZ TAČKE 1.)

(4) Iznos sredstava koji je izračunat u stavu 3. ovog člana se na osnovu ukupnog broja bodova:

- 15 - 17,99.....dodjeljuje 20% iznosa izračunatog u stavu 4. ovog člana;
- 18 - 20,99.....dodjeljuje 30% iznosa izračunatog u stavu 4. ovog člana;
- 21 - 23,99.....dodjeljuje 40% iznosa izračunatog u stavu 4. ovog člana;
- 24 - 26,99.....dodjeljuje 50% iznosa izračunatog u stavu 4. ovog člana;



- 27 – 29,99.....dodjeljuje 60% iznosa izračunatog u stavu 4. ovog člana;
- 30 – 32,99.....dodjeljuje 70% iznosa izračunatog u stavu 4. ovog člana;
- 33 – 35,99.....dodjeljuje 80% iznosa izračunatog u stavu 4. ovog člana;
- 36 – 38,99.....dodjeljuje 90% iznosa izračunatog u stavu 4. ovog člana;
- 39 – 45.....dodjeljuje 100% iznosa izračunatog u stavu 4. ovog člana;

(5) U slučaju da je iznos sredstava za nevladine/neprofitne organizacije, koji je dodijeljen na način propisan u stavu 3. i 4. ovog člana veći od iznosa sredstava planiran budžetskom pozicijom, procentualno se smanjuje svim nevladinim/neprofitnim organizacijama do iznosa planiranog budžetskom pozicijom.

#### **Član 16.**

(1) Opšti kriteriji podrazumijevaju:

- dostavljanje projekta u naznačenom roku,
- potpunu i validnu dokumentaciju,
- opravdan utrošak sredstava za ranije odobrene projekte.

(2) Projekti koji ne ispunjavaju jedan ili više opštih kriterija iz stava (1) ovog člana ne uzimaju se u razmatranje.

(3) Komisija konačnu ocjenu svakog projekta vrši na obrascu za Komisiju

(4) Na osnovu konačne ocjene, Komisija predlaže iznos sredstava sa kojima će projekti biti podržani od strane Općine Konjic.

#### **Član 17.**

Komisija donosi Privremenu rang listu o odabiru projekata i programa nevladinih organizacija, fondacija i ustanova koji se finansiraju/sufinansiraju iz Budžeta Općine Konjic na osnovu bodovanja projekata u skladu s članom 14. ovog Pravilnika s tabelarnim prikazom svih nevladinih organizacija, naziva projekata/programa i iznosom sredstava.

Nezadovoljni aplikanti imaju pravo prigovora na Privremenu rang listu Komisiji za rješavanje po žalbama u drugostepenom postupku putem Službe za privredu, finansije i društvene djelatnosti u roku od 5 dana od dana njenog objavljivanja privremene rang liste na web stranici Općine Konjic.

O prigovorima odlučuje Komisija za provođenje postupka i odabir projekata i programa.

#### **Član 18.**

(1) Konačnu rang listu o odabiru projekata i programa nevladinih organizacija koji se finansiraju/sufinansiraju iz Budžeta Općine Konjic, donosi Načelnik općine koja se objavljuje na web stranici i oglasnoj tabli Općine Konjic.

(2) Konačna rang lista iz prethodnog stava sadrži naziv aplikanta, naziv projekta i iznos novčanih sredstava.

## VI - UGOVORI SA APLIKANTIMA

### Član 19.

(1) Nakon donošenja Odluke Načelnika Općine o utvrđivanju konačne rang liste o raspodjeli sredstava za projekte i programe nevladinih i drugih organizacija, načelnik općine sa odabranim korisnicima sredstava zaključuje Ugovor koji sadrži prava, obaveze i odgovornosti, način praćenja provođenja odobrenog projekta, način praćenja namjenskog trošenja sredstava, te elemente narativnog i finansijskog izvještavanja o provođenju projekta.

(2) Sredstva će biti doznačena nakon potpisivanja ugovora, u jednoj ili više tranši, u skladu s prilivom budžetskih sredstava Općine Konjic. U slučaju nedostatka sredstava u Budžetu Općine Konjic, za tekuću godinu, obustaviti će se realizacija dodjele finansijskih sredstava u potpunosti ili djelimično, srazmjerno nedostajućim sredstvima.

(3) Sredstva dodijeljena za projekte/programe nevladinim organizacijama mogu se koristiti i pravdati tokom cijele budžetske godine (od 01.01. do 31.12.).

### Član 20.

(1) Aplikanti kojima su dodijeljena sredstva dužni su dostaviti izvještaj o realizaciji projekta (narativni i finansijski dio), što ovisi od dužine trajanja projekta i visine dodijeljenih sredstava.

(2) Rokovi za dostavljanje izvještaja biće utvrđeni u ugovoru.

### Član 21.

(1) Provođenje zaključenih ugovora za odobrene projekte iz člana 20. stav (1) ovog Pravilnika prati Služba za privredu, finansije i društvene djelatnosti, a kontrolu utroška sredstava Komisija za kontrolu utroška budžetskih sredstava dodijeljenih za realizaciju projekata, koju rješenjem imenuje Načelnik Općine, koja ima tri člana iz reda uposlenika Općine Konjic.

(2) Kontrola utroška sredstava se zasniva na informacijama dobivenim u:

- a) izvještaju o realizaciji projekta (narativni i finansijski dio izvještaja),
- b) finansijskoj dokumentaciji (uplatnice, izvodi, fiskalni računi, fakture i sl.), i
- c) drugim dokazima (fotografije, videozapisi, katalozi, brošure i sl.)

## VII- RASPODJELA SREDSTAVA PUTEM ZAHTJEVA

### Član 22.

Raspodjela sredstava organizacijama i pojedincima iz oblasti nauke, kulture, obrazovanja, izdavaštva i sl. vršit će se neposredno putem zahtjeva za dodjelu sredstava iz budžeta Općine Konjic u skladu sa raspoloživim sredstvima.

Podnosioci zahtjeva dužni su zahtjev podnijeti najmanje 7 dana prije održavanja sjednice savjeta Načelnika Općine Konjic

## VIII- ZAVRŠNE ODREDBE

### Član 23.

Ovaj Pravilnik stupa na snagu danom donošenja i primjenjivati će se za budžetsku 2022 godinu i isti će biti objavljen u Službenom glasniku Općine Konjic.

Pravilnik će biti objavljen u Službenom glasniku Općine Konjic.

Stupanjem na snagu ovog Pravilniku, stavlja se van snage Pravilnik broj: 08-11-6-1946/21 od 18.05.2021.godine

NAČELNIK OPĆINE  
Osman Ćatić, s.r

Broj: 08-36-2-181/2022  
Konjic, 24.01.2022.godine

Na osnovu člana 15. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), člana 38. Statuta Općine Konjic ("Službeni glasnik Općine Konjic broj 4/11, 6/11), Programa o raspodjeli novčanih sredstava broj: 08-11-6-180/2022 od 24.01.2022. godine, Odluke o izvršavanju Budžeta Općine Konjic za 2022.godinu ( Službeni glasnik Općine Konjic broj: 13/21), na prijedlog Službe za privredu, finansije i društvene djelatnosti, Načelnik općine donosi:

**PRAVILNIK**  
**o utrošku novčanih sredstava za novčane podrške za 2022 godinu sa ekonomskog**  
**koda 614-122- transfer za sport**

**I OPĆE ODREDBE**

**Član 1.**

Ovim Pravilnikom utvrđuju se sadržaj i postupak raspodjele sredstava neposredno i putem Javnog poziva, uslovi, kriteriji, praćenje realizacije projekata i programa za oblast tjelesne kulture, sporta i sportskih manifestacija koji će se finansirati i sufinansirati iz Budžeta Općine Konjic.

**Član 2.**

Ovaj Pravilnik je utvrđen na osnovu Programa utroška budžetskih sredstava.

**Član 3.**

(1) Aplikanti moraju zadovoljiti sljedeće opće uslove:

- da su osnovani i registrovani u Bosni i Hercegovini,
- da su vođeni od strane državljana Bosne i Hercegovine,
- da imaju sjedište na području Općine Konjic,
- da su projekti i programi u potpunosti namijenjeni građanima Općine Konjic, osim ako ovim Pravilnikom nije drugačije određeno,
- da se projekti i programi realizuju za period budžetske godine (od 01.01. do 31.12.),
- da ne obavljaju aktivnosti u ime političkih partija.

**II POSTUPAK RASPODJELE SREDSTAVA**

**Član 4.**

Na osnovu člana 4. 5. i 6. Programa utroška novčanih sredstava za novčane podrške za 2022 godinu, novčana sredstva će se rasporediti:

- sportskim klubovima za podršku i učešće na službenim takmičenjima u organizaciji granskih sportskih saveza (liga takmičenja)
- sportskim kolektivima, nevladinim organizacijama i ustanovama koje se bave sportom putem javnog poziva kojeg raspisuje Načelnik Općine Konjic,



- sportskim kolektivima i pojedincima za ostvarenje vrhunskih sportskih rezultata, u skladu sa važećim aktima,
- za ostale projekte i programe iz oblasti sporta od značaja za općinu Konjic te finansiranje nepredviđenih troškova koji nisu mogli biti planirani.

### **III POSTUPAK JAVNOG POZIVA**

#### **Član 5.**

- (1) Javni poziv se objavljuje na web stranici Općine Konjic, oglasnoj tabli i putem RTV Konjic.
- (2) Javni poziv ostaje otvoren 15 dana od dana objavljivanja. Obrasci sa uputstvima za apliciranje projekata/programa postavljaju se na web stranici Općine Konjic.

#### **Član 6.**

- (1) Aplikanti dostavljaju aplikacijski obrazac u pisanoj i elektronskoj formi sa ostalom potrebnom dokumentacijom u zatvorenoj koverti, putem protokola Općine Konjic ili preporučeno putem pošte.

#### **Član 7.**

- (1) Aplikanti koji se prijavljuju na Javni poziv, osim elektronski popunjenog aplikacijskog obrasca koji mora biti potpisan od strane odgovorne osobe i ovjeren pečatom sportske organizacije, dužni su dostaviti sljedeću dokumentaciju:
  - Rješenje o registraciji udruženja, (original ili ovjerena kopija)
  - Uvjerenje o poreznoj registraciji – ID broj, (original ili ovjerena kopija)
  - Obavještenje o razvrstavanju – klasifikacijska djelatnost, (original ili ovjerena kopija)
  - Karton deponovanih potpisa, (original ili ovjerena kopija)
  - Ugovor o otvaranju žiro-računa udruženja ili potvrda iz banke o žiro-računu, (original ili ovjerena kopija)
  - Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a). Ukoliko nije u sistemu PDV-a, aplikant o tome dostavlja izjavu (original ili ovjerena kopija)
  - Završni godišnji finansijski izvještaj za prethodnu godinu (bilans stanja i bilans uspjeha – ovjerena kopija) osim ako je udruženje registrovano u godini objavljivanja javnog poziva.
- (2) Aplikacijski obrazac uz koji ne bude dostavljena navedena dokumentacija iz stava (1) ovog člana se neće razmatrati i biće odbačen.
- (3) Aplikant može tražiti ukupan iznos vrijednosti projekta ili programa ili dio nedostajućih sredstava, što je dužan naznačiti u prijavi.
- (4) Aplikant može aplicirati sa jednim projektom za jednu kalendarsku godinu,

#### **Član 8.**

- (1) Sljedeći projekti/programi se neće finansirati:
  - projekti sportskih organizacija koje nisu izvršile svoje obaveze po ranije odobrenim projektima finansiranim ili sufinansiranim iz Budžeta Općine Konjic;
  - projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme, osim ako je oprema neophodna za uspješnu implementaciju projekta;



- projekti koji su usmjereni prema političkim aktivnostima;
  - projekti koji su namijenjeni za isključivu dobit pojedinca;
  - projekti koji se zasnivaju na dodjeljivanju sredstava trećoj strani, osim ako ovim Pravilnikom nije drugačije određeno.
- (2) Sredstva dodijeljena iz Budžeta Općine Konjic za projekte/programme sportskih organizacija se ne mogu koristiti za finansiranje ili sufinansiranje sljedećih troškova:
- zakup kancelarijskog prostora,
  - administrativni i materijalni troškovi
  - naknade za rad predsjednika, podpredsjednika i sekretara sportske organizacije,
  - naknade za rad upravnog odbora ili drugih radnih tijela organizacije,
  - troškove reprezentacije predsjednika udruženja i drugih lica iz upravljačke strukture.
- (3) Projektni prijedlozi s nepotpunom dokumentacijom i dostavljeni izvan predviđenog roka neće biti razmatrani niti finansirani.

#### **IV. TROŠKOVI KOJI SE MOGU FINANSIRATI**

##### **Član 9.**

Sredstva za realizaciju projekata/programa po osnovu javnog poziva koji se finansiraju i sufinansiraju iz Budžeta Općine Konjic se mogu dodijeliti za sljedeće namjene:

- troškovi pripreme i učešća na takmičenjima vezanim za vrhunski sport (kolektivni i individualni);
- manifestacije koje podstiču afirmaciju i razvoj sporta;
- organizovanje raznih sportskih manifestacija, turnira i sportskih obuka;
- organizovanje i učestvovanje na međunarodnim sportskim manifestacijama;
- nabavka sportske i druge opreme i sportskih rekvizita za koje je udruženje registrovano,
- troškovi članarine i kotizacije za takmičenje;
- troškovi za angažman službenih lica na utakmicama i drugim sportskim takmičenjima (sudije, delegati, kontrolori i dr.);
- troškovi prevoza, smještaja i ishrane na gostujućim utakmicama i drugim sportskim takmičenjima, ukoliko organizator takmičenja ne finansira navedene troškove;
- troškovi zakupa stadiona, fiskulturnih sala, sportskih dvorana i prostora za treninge i takmičenja;
- organizovanje i učestvovanje na sportskim takmičenjima i manifestacijama sportskih klubova koji okupljaju djecu, omladinu i odrasle.

#### **V. KOMISIJA, KRITERIJI I NAČIN OCJENJIVANJA**

##### **Član 10.**

- (1) Odabir projekata/programa za finansiranje i sufinansiranje sredstvima Budžeta Općine Konjic vrši Komisija za provođenje postupka i odabir projekata i programa sportskih organizacija koju rješenjem imenuje Načelnik Općine (u daljem tekstu Komisija).
- (2) Niti jedan član Komisije ne može biti u sukobu interesa. Izjavu o nepostojanju sukoba interesa, nepristrasnosti i povjerljivosti potpisuju svi članovi Komisije.
- (3) Stručne i administrativno-tehničke poslove za potrebe Komisije obavljat će Služba za privredu,

finansije i društvene djelatnosti.

### Član 11.

Komisija za provođenje postupka i odabir projekata i programa nevladinih organizacija će nakon provjere da li projekti ili programi zadovoljavaju administrativno-tehničke uslove iz članova 6 i 7. ovog Pravilnika, ocijeniti projekte/programme na način propisan u članovima 12. i 13. ovog Pravilnika.

### Član 12.

- (1) Komisija vrednuje pristigle prijedloge projekata/programa aplikanata, prema kriterijima s pripadajućim brojem bodova:
1. nivo takmičenja na kojim sportske ekipe i sportisti učestvuju prema predloženom projektu,
  2. broj selekcija i broj članova sportske organizacije
  3. ostvareni sportski rezultati u prethodnoj godini
  4. opis, trajanje i masovnost manifestacije ili događaja,
  5. broj stručnih osoba uključenih u realizaciju projekta ili programa
  6. tradicija organizovanja/postojanja projekta ili programa,
  7. značaj manifestacije ili događaja za lokalnu zajednicu
  8. budžet i racionalnost troškova
  9. kvalitet programa/ projekta
- (2) Aplikanti su obavezni dostaviti dokaze o ispunjavanju navedenih kriterija za vrednovanje projekata i programa, a koji su navedeni u aplikacijskom obrascu koji su sastavni dio Javnog poziva. U slučaju nedostavljanja potrebne dokumentacije po bilo kojem od utvrđenih kriterija, projektni prijedlog aplikanata neće biti bodovan po kriteriju za koji nije dostavljena potrebna dokumentacija.

### Član 13.

(1) Svaki član Komisije dodjeljuje bodove od 1 do 5 za svaki od kriterija pojedinačno na sljedeći način: 1 (veoma loše), 2 (loše), 3 (odgovarajuće), 4 (dobro), 5 (veoma dobro). Aplikant koji ne dostavi dokaze o ispunjavanju nekog od kriterija za vrednovanje projekata i programa koji su definisani aplikacijskim obrascem, svaki od tih kriterija bodovaće se nulom. Konačan broj bodova za svaki od kriterija predstavlja prosječan broj bodova navedenog kriterija svih članova Komisije.

(2) Maksimalan broj bodova koje aplikant može ostvariti je 45. Projekti koji dobiju 15 i više bodova bit će finansirani, odnosno sufinansirani iz Budžeta Općine Konjic, s obzirom da projekti/programi sa nižim brojem bodova od 15 ne zadovoljavaju postavljene standarde i neće biti finansirani, odnosno sufinansirani.

(3) Na osnovu broja bodova vezanih za kriteriji „budžet i racionalnost troškova“ iz člana 12, i to:

- 1 – 1,49.....dodjeljuje se 20% traženog iznosa sredstava,
- 1,50 – 1,99.....dodjeljuje se 30% traženog iznosa sredstava,
- 2 – 2,49..... dodjeljuje se 40% traženog iznosa sredstava,

- 2,50 – 2,99.....dodjeljuje se 50% traženog iznosa sredstava,
- 3 – 3,49.....dodjeljuje se 60% traženog iznosa sredstava,
- 3,50 – 3,99.....dodjeljuje se 70% traženog iznosa sredstava,
- 4 – 4,49.....dodjeljuje se 80% traženog iznosa sredstava,
- 4,50 – 4,99.....dodjeljuje se 90% traženog iznosa sredstava,
- 5.....dodjeljuje se 100% traženog iznosa sredstava.

(4) Iznos sredstava koji je izračunat u stavu 3. ovog člana se na osnovu ukupnog broja bodova dodjeljuje:

- 15 – 17,99.....dodjeljuje 20% iznosa izračunatog u stavu 10. ovog člana,
- 18 – 20,99.....dodjeljuje 30% iznosa izračunatog u stavu 10. ovog člana,
- 21 – 23,99.....dodjeljuje 40% iznosa izračunatog u stavu 10. ovog člana,
- 24 – 26,99.....dodjeljuje 50% iznosa izračunatog u stavu 10. ovog člana,
- 27 – 29,99.....dodjeljuje 60% iznosa izračunatog u stavu 10. ovog člana,
- 30 – 32,99.....dodjeljuje 70% iznosa izračunatog u stavu 10. ovog člana,
- 33 – 35,99.....dodjeljuje 80% iznosa izračunatog u stavu 10. ovog člana,
- 36 – 38,99.....dodjeljuje 90% iznosa izračunatog u stavu 10. ovog člana,
- 39 – 45.....dodjeljuje 100% iznosa izračunatog u stavu 10. ovog člana.

U slučaju da je iznos sredstava za sportske organizacije, koji je dodijeljen na način propisan u stavu (3) i (4) ovog člana veći od iznosa sredstava planiran budžetskom pozicijom, procentualno se smanjuje svim aplikantima do iznosa planiranog budžetskom pozicijom.

#### **Član 14.**

Komisija Načelniku Općine podnosi izvještaj o radu, kao i privremenu rang listu za finansiranje projekata sa nazivom aplikanta, nazivom projekta ili programa i iznosom sredstava, kao i razlozima za neuvršavanje pojedinih projekata/programa za finansiranje sredstvima iz Budžeta Općine Konjic.



#### **Član 15.**

Komisija donosi Privremenu rang listu o odabiru projekata i programa za oblast tjelesne kulture, sporta i sportskih manifestacija sa tabelarnim se finansiraju/sufinansiraju iz Budžeta Općine Konjic na osnovu bodovanja projekata u skladu s članom 13. ovog Pravilnika, s tabelarnim prikazom svih sportskih organizacija, naziva projekata i iznosom sredstava i objavljuje je na web stranici Općine Konjic.

#### **Član 16.**

- (1) Nezadovoljni aplikanti imaju pravo prigovora na Privremenu rang listu Komisiji za rješavanje po žalbama u drugostepenom postupku putem Službe za privredu, finansije i društvene djelatnosti u roku od 5 dana od dana njenog objavljivanja privremene rang liste na web stranici Općine Konjic.
- (2) O prigovorima odlučuje Komisija za provođenje postupka i odabir projekata i programa.
- (3) Konačnu rang listu o odabiru projekata i programa za oblast tjelesne kulture, sporta i sportskih manifestacija koji se finansiraju/sufinansiraju iz Budžeta Općine Konjic donosi Načelnik Općine, koja se objavljuje na web stranici Općine Konjic te Oglasnoj tabli Općine Konjic.
- (4) Konačna rang lista iz prethodnog stava sadrži naziv aplikanta, naziv projekta i iznos novčanih sredstava.

### **VI UGOVORI SA APLIKANTIMA**

#### **Član 17.**

- (1) Nakon donošenja Konačne rang liste i Odluke Načelnika o utvrđivanju konačne rang liste o raspodjeli sredstava za projekte i programe za oblast tjelesne kulture, sporta i sportskih manifestacija, Načelnik Općine sa odabranim korisnicima sredstava zaključuje Ugovor koji sadrži prava, obaveze i odgovornosti, način praćenja provođenja odobrenog projekta, način praćenja namjenskog trošenja sredstava, te elemente narativnog i finansijskog izvještavanja o provođenju projekta.
- (2) Sredstva će biti doznačena nakon potpisivanja ugovora, u jednoj ili više tranši, u skladu s prilikom budžetskih sredstava Općine Konjic. U slučaju nedostatka sredstava u Budžetu Općine Konjic za tekuću godinu, obustaviti će se realizacija dodjele finansijskih sredstava u potpunosti ili djelimično, srazmjerno nedostajućim sredstvima.
- (3) Sredstva dodijeljena za projekte/programe sportskim organizacijama mogu se koristiti i pravdati tokom cijele budžetske godine (od 01.01. do 31.12).

#### **Član 18.**

- (1) Aplikanti kojima su dodijeljena sredstva dužni su dostaviti izvještaj o realizaciji projekta (narativni i finansijski dio), što ovisi od dužine trajanja projekta i visine dodijeljenih sredstava.
- (2) Rokovi za dostavljanje izvještaja biće utvrđeni u ugovoru, odnosno mjesec dana poslije realizovanog projekta ili do kraja budžetske godine.

#### **Član 19.**

- (1) Provođenje zaključenih ugovora za odobrene projekte iz člana 19. stav (1) ovog Pravilnika prati



Služba za privredu, finansije i društvene djelatnosti, a kontrolu utroška sredstava Komisija za kontrolu utroška budžetskih sredstava dodijeljenih za realizaciju projekata po Javnom pozivu, koju u sastavu od tri (3) člana imenuje načelnik Općine.

(2) Kontrola utroška sredstava se zasniva na informacijama dobivenim u:

- a) izvještaju o realizaciji projekta (narativni i finansijski dio izvještaja), finansijskoj dokumentaciji (uplatnice, fiskalni računi, fakture i sl.), i drugim dokazima (fotografije, videozapisi, katalozi, brošure i sl.).
- b) Korisnicima sredstava koji ne dostave izvještaj o realizaciji projekta sa ostalom potrebnom dokumentacijom iz stava 1. ovog člana obustavit će se dodjela sredstva iz Budžeta Općine Konjic za narednu godinu, odnosno neće moći učestvovati u raspodjeli sredstava za narednu godinu.
- c) Ukoliko korisnici sredstava ne dostave kompletan izvještaj o utrošenim sredstvima koja su dodijeljena iz Budžeta Općine Konjic, Služba za privredu, finansijen i društvene djelatnosti, će putem Općinskog pravobranilaštva Konjic pokrenuti postupak za povrat sredstava koja su dodijeljena iz Budžeta Općine Konjic, bez odlaganja.
- d) Ukoliko korisnici sredstava ne prihvate saradnju sa Komisijom iz stava 1. ovog člana i onemoguće uvid u potrebnu dokumentaciju, odnosno ukoliko gore pomenuta Komisija potvrdi sumnju u nenamjensko trošenje sredstava iz Budžeta Općine Konjic, Služba za privredu, finansije i društvene djelatnosti, će putem Općinskog pravobranilaštva Konjic o tome obavijestiti nadležne organe i zatražiti kontrolu finansijskog poslovanja takvih korisnika sredstava.

#### **Član 20.**

Raspodjela sredstava iz člana 4. ovog Pravilnika za ostvarenje vrhunskih sportskih rezultata vršit će se putem zahtjeva sportskih kolektiva za postignute rezultate u prethodnoj godini, a u skladu sa važećim aktima i na osnovu poziva registrovanog strukovnog saveza.

Raspodjela sredstava iz člana 4. ovog Pravilnika za ostale projekte i programe iz oblasti sporta od značaja za općinu Konjic vršit će se putem zahtjeva za dodjelu finansijskih sredstava iz budžeta Općine Konjic.

### **VII ZAVRŠNE ODREDBE**

#### **Član 21.**

Ovaj Pravilnik stupa na snagu danom donošenja i bit će objavljen u Službenom glasniku Općine Konjic.

**NAČELNIK OPĆINE**

**Osman Ćatić, s.r**

